

ხელვაჩაურის მუნიციპალიტეტის მერიის
ჯანმრთელობისა და სოციალური დაცვის სამსახურის
მიზნობრივი პროგრამა

1. პროგრამის სახელწოდება:

თემზე დაფუძნებული მობილური გუნდის მომსახურება მძიმე ფსიქიკური
აშლილობის მქონე პირებისათვის

2. პროგრამის დაწყების და დასრულების თარიღი, ხანგრძლივობა:

„1 იანვარი 2018წ
„31 დეკემბერი“ 2018

3. პროგრამის ორგანიზაციული კოდი საბიუჯეტო კლასიფიკაციით 06 01 12

4. პროგრამის მთლიანი ბიუჯეტი:

77400 ლარი.

5. პროგრამის დაფინსების წყაროები:

ხელვაჩაურის მუნიციპალიტეტის მერიის ბიუჯეტი 77400ლარი.

6. პროგრამის განხორციელებაზე პასუხისმგებელი ორგანო:

ხელვაჩაურის მუნიციპალიტეტის მერიის ჯანმრთელობისა და სოციალური დაცვის სამსახური.

7. პრობლემის აღწერა და მისი აქტუალობის დასაბუთება ან/და ნორმატიული აქტი, რომლის საფუძველზეც დგება პროგრამა:

შპს „რესპუბლიკურ კლინიკურ ფსიქონევროლოგიურ საავადმყოფოში აღრიცხვაზეა ხელვაჩაურის მუნიციპალიტეტში მცხოვრები 2600-მდე პაციენტი, მათგან წლის განმავლობაში აქტიურად და რეგულარულად ამბულატორიულად მიმართავს 646 პაციენტი ანუ პაციენტთა საერთო რაოდენობის 24- 25%, ხოლო თვის განმავლობაში 220-230 პაციენტი, ანუ საერთო რაოდენობის მხოლოდ 8-9%. მძიმე ფსიქიკური აშლილობის მქონე პირები, რომლებიც ხანგრძლივი დროით თავსდებიან სტაციონარში, სტაციონარიდან გაწერის შემდეგ არ აკითხავენ ამბულატორიულ დაწესებულებას, წყვეტენ მკურნალობას, ვერ ხორციელდება მედიკამენტების უწყვეტად მიწოდება, რაც ფსიქოპათოლოგიური სიმპტომატიკის გაუარესებას იწვევს. ირღვევა საფეხურებრივი და უწყვეტი სამედიცინო მომსახურების პრინციპი, რის გამოც შეფერხებულია ხანგრძლივი რემისიისა და სტაბილიზაციის შენარჩუნების შესაძლებლობა, რაც ხშირად ხდება პაციენტის მხრიდან ძალადობრივი ქცევის მიზეზად, როგორც საკუთარი თავის, ასევე ირგვლივ მყოფთა მიმართ.

აღნიშნულმა სიტუაციამ ჯანმრთელობის სფეროში შექმნა სოციალური დაცვის დამატებითი ღონისძიების გატარების აუცილებლობა. უწყვეტი სამედიცინო მომსახურების განხორციელების შესაძლებლობას ქმნის ბინაზე ვიზიტის განხორციელება, რაც შესაძლებელია მობილური გუნდის მომსახურების მეშვეობით, რაც უზრუნველყოფს ფსიქიატრიული დახმარების ხარისხსა და ტერიტორიულ ხელმისაწვდომობას.

წარმოდგენილი მიზნობრივი პროგრამა განაპირობებს მძიმე ფსიკური აშლილობის მქონე პირთა ჩართულობას ფსიქიატრიულ სერვისებში, ასევე ხელს შეუწყობს პაციენტთა ოჯახების სოციალური მდგომარეობის გაუმჯობესებასაც. პროგრამა ითვალისწინებს ერთი მობილური გუნდის დაფინანსებას, თვის განმავლობაში 50 პაციენტის ადგილზე მომსახურებით. გუნდის მუშაობა განისაზღვრება ბინაზე ვიზიტითა და მედიკამენტოზური მკურნალობით ნეიროლეფსიური საშუალებებით, რომელსაც გამოიყენებს მობილური გუნდის ფსიქიატრი, კლინიკური პრაქტიკის ეროვნული რეკომენდაციების (გაიდლაინები) და დაავადებათა მართვის სახელმწიფო სტანდარტების (პროტოკოლები) შესაბამისად .

8. პროგრამის მიზნები და მათი მიღწევის შეფასების ინდიკატორები:

№	პროგრამის მიზნები	მიზნების მიღწევის შეფასების ინდიკატორები
1	ხელვაჩაურის მუნიციპალიტეტში რეგისტრირებული მძიმე ფსიკური აშლილობის მქონე პირთა უწყვეტი სამედიცინო სერვისით უზრუნველყოფა.	ამბულატორიული მომსახურების მოსარგებლე პირთა რაოდენობა
2	რეციდივისა და ძალადობრივი ქცევების რისკების შემცირება.	მობილური გუნდიდან ამბულატორიულ სერვისში გადასულ პირთა რაოდენობა..
3	ხანგრძლივი რემისიისა და სტაბილიზაციის პერიოდის შენარჩუნება.	მოსახლეობის კმაყოფილების დონის ამაღლება

9. პროგრამით მოსარგებლე პირთა რაოდენობა და შერჩევის წესი:

- პროგრამით ფარგლებში მობილური გუნდის მომსახურებით ისარგებლებს ხელვაჩაურის მუნიციპალიტეტში რეგისტრირებული, განსაზღვრული ნოზოლოგიების მქონე მოზრდილები და ბავშვები. ბენეფიციართა შერჩევა წარმოადგენს მობილური გუნდის პრეროგატივას.
- ყოველთვიურად ბინაზე ამბულატორიული მომსახურება გაეწევა 50 პაციენტს.

10. პროგრამის სამოქმედო გეგმა დასახული მიზნებისა და ამოცანების მიხედვით:

2018 წელი													
№	საქმიანობის აღწერა	იანვარი	თებერვალი	მარტი	აპრილი	მაისი	ივნისი	ივლისი	აგვისტო	სექტემბერი	ოქტომბერი	ნოემბერი	დეკემბერი
1	ვიზიტი ბინაზე	X	X	X	X	X	X	X	X	X	X	X	X
2	მედიკამენტოზური მკურნალობა	X	X	X	X	X	X	X	X	X	X	X	X
3	გაუთვალისწინებელი შემთხვევის მართვა(კრიტერიუმის არსებობის შემთხვევაში პაციენტის სტაციონირების ორგანიზება, პირველადი შემთხვევის გამოვლენა და სხვა)	X	X	X	X	X	X	X	X	X	X	X	X
4	სამედიცინო დოკუმენტაციის წარმოება	X	X	X	X	X	X	X	X	X	X	X	X

11. პროგრამის ბიუჯეტი:

ა) პროგრამის დაფინანსება წლების მიხედვით

№	წყაროს დასახელება		2018წელი	2019წელი	2020	სულ
	ძირითადი	ხელვაჩაურის მუნიციპალიტეტის ბიუჯეტი	77400	77400	77400	77400
	დამატებითი					
	სულ		77400	77400	77400	77400

ბ) პროგრამის ხარჯები ღონისძიებათა მიხედვით

№	პროგრამით გათვალისწინებულ ღონისძიებათა დასახელება	ერთეულის დასახელება	ბენეფიციართა რაოდენობა	ერთი ბენეფიციარის მომსახურების ღირებულება(ლარი)	წლის ხარჯი (ლარი)
1	მობილური გუნდის მიერ მძიმე ფსიკური აშლილობის მქონე პირთა ბინაზე მომსახურება	ბენეფიციარი	50	129	77400

12. საანგარიშო პერიოდში პროგრამის ფარგლებში განსახორციელებელი სახელმწიფო შესყიდვები:

შესყიდვა განხორციელდება „სახელმწიფო შესყიდვების შესახებ“ საქართველოს კანონის შესაბამისად.
დამატებითი ინფორმაცია:

პროგრამის დაფინანსება განხორციელდება ყოველთვიურად, ფაქტიურად შესრულებული სამუშაოს მოცულობით, მაგრამ არაუმეტეს ხელშეკრულებით განსაზღვრული დაფინანსების დამტკიცებული მოცულობისა. მერიის მხრიდან მონიტორინგს განახორციელებს მერიის ჯანმრთელობისა და სოციალური დახმარების სამსახური. მონიტორინგის ძირითადი მიმართულებებია: ბრიგადის გასვლათა რაოდენობა და წარმოებული დოკუმენტაცია.

მატერიალური რესურსის გაცემა მოხდება გაფორმებული წერილობითი შეთანხმების საფუძველზე.